

續修四庫全書

《續修四庫全書》編纂委員會編

續修四庫全書

上海古籍出版社

一四二七・集部・別集類

道古堂文集四十八卷 道古堂詩集二十六卷集外文一卷集外詩一卷（詩集卷一至集外詩）

〔清〕杭世駿撰

一

松崖文鈔二卷

〔清〕惠棟撰

二六七

海峰文集八卷

海峰詩集十一卷

〔清〕劉大櫆撰

二八九

橙花館集序

漢武帝英風大略旁招羣彥故一時儒行如董生經術如兒大夫通博如終章長短縱橫如主父偃應對如嚴助朱買臣詞賦史才如兩司馬獨東方先生不名一行詼諧戲侮跌宕於巖廊之上是以當時目之爲俳優後世驚以爲鬼物余謂先生閱覽博物君子也玩世不恭捷給澹辭至於泰階之符辟戟而諫其大節偉矣崑玉秋霜比質可也吾友杭子大宗言不純師行不純德絕類東方先生之爲人平生勤於聚書晨鈔晦寫者十有餘年而畢方不來騶牙不至無以證其蓄積之叢叢於

連亭詩集序

一

是形諸詩歌一往不可罄控嘗放言曰鏤金錯彩論者弗尚然學不贍則詞不備詞不備則氣不充胸無安世三篋書日擲管作蒼蠅聲奚可哉公等已矣予謂古之作者沈酣於卷軸而滂發於靈臺能役書不爲書役大宗持論不可爲正鵠然大宗雖淵然不可究詰而能運之以越石之清剛出之以景純之豪雋其所以見撫一世者固不盡如所云矣予行役四方久不見大宗詩今年貂敝金盡垂翼而歸大宗爲余蹙額者累日握手相慰外出其近作十餘首益麗以肆而其送小弱弟一章則小宛之遺音也小弱弟就昏于黔陽黔陽去杭三四

千里溯錢唐浮洞庭累月踰時乃可至也其間霹靂颶飈酸雨狂濤春風斑竹古渡神鴉凡小弱弟之所跋涉而驚且惋者一一著之於篇余讀其詩而壯其奇且悲其志也大宗曰余詩類此者夥矣子其爲我序之嗚呼大宗磊落豪宕之氣所謂玩世不恭者非耶然觀其友朋骨肉之間其大節可觀矣雍正五年歲次丁未閏三月上浣錢唐龔鑑

連亭詩集序

二

過春集序

夫金臺千里能造必詩銅街九條敢往則賦太乙分曜
靈之景而藜之用蓋寡長庚攀超光之足而鯨之振以
未故歡情似酒崇伯望而解顏愁緒縈絲墨翟逢而曾
歎蘭可佩也對靈均而不芳月豈愁乎照陳王而易落
準之今日寧有易哉帝城十二獨我無家客路三千送
人作郡裝落葉以驅壽披浮雲以旌心出門則稚子牽
裾登車則老人把袂浮河亂濟步將前而不舒餞露賓
星目已罷而猶顧直沽河下雪古風堅曲阜城邊青危
碧峭覩疲衛之勸進值敝貂之不溫則知情以時感心

連雲集序

三

繇目傷固當徵彼詩寮壯茲行色況以茫茫鐵網竟漏
珊瑚落落金盤誰餐沆瀣骨具烟霞之相身畱柏石之
緣局逸步以趨時蓄奇聲而待旦殘膏既燼問理餘光
渴睡初醒或耽短詠良以酒徒市上最多拊缶之羣學
士壚頭不減畱髡之樂是用牽纏積素揮灑性靈及夫
驪唱蒼涼歸鞭蕭瑟北地有絕憐之處南雲有望遠之
思罔兮若有求而不至也悵乎若有待而不已也非無
贈荅之章亦以杉布爲快日月既長卷帙遂衍則斯集
之大凡矣若云既和且平雖怨不怒提攜標格澄震聲
音斯固大雅之式鄙人莫贊辭焉嗟乎身以賤而趣成

道不行而樂在兩三曲榭未免有情數四荒齋居然無
恙新編在手狂賓滿牀高臥北窗之下但寘身欲尚義
皇狎作西湖之遊任譏人不耐官爵則智津萬有音暢
百形衆皆麗此清神僕亦勉爲燕說錢唐周天度

道古堂詩集序

四

赴召集序

國家承先朝餘教以文學唱天下 下詔敦勸招延海內閎通博達之士於時新進舊耆後先相踵振采儒林天下烝然發動秀水朱太史竹垞以鴻鉅之才辨音正始斥遠浮空蓋風雅之道郁郁繇此盛矣當時上下怡安民物給足士不迫寒餓豪家右族或開館飭具以接英賢公卿不以章服先章布禮敬餽進幸其一到以爲榮而故臣者舊多往時名人胥與導揚遺緒爲後生磁引蓋吾歎風教之畱遺者遠也事更百年世經兩嬗其他盡從遷變而獨文學之士流韻餘思猶足鼓盪人心

道古堂詩集序

五

徧一世爲習尚蓋未有以是爲無益而捨去之者自諸公相接淪沒後進不見前賢風旨沉塞於世俗之文鎖閉堅牢不復可啟若是而欲進與語古譬猶奏絲竹于韓者之前傾耳而莫之聞也而況夫深博之學性命之詣歟則亦有桀黠自好者矯而更之強其外空其中不根而植自詭可到前人哆然尊已卑物睥睨篤古之士搜瑕索疵齟齬舐觸恐不速敗嗚呼古學之不昌其有不由此歟吾友杭君堇浦少蘊清才其于古若以水入水浹而莫覩其迹也其于學一日千里而猶慊慊也忼不能至也故其爲詩根本積冊峻整有製度且其爲之

也警以敏居常哦咏不輟昔雲間諸子每譙集多擊搏爲笑樂陳人中獨刻燭賦詩嘗云人之英華乘於壯歲過此衰落將安及乎蓋其勤如此今之堇浦則亦猶斯志也悲夫自朱公之死吾鄉風雅衰歇二十餘年矣物莫孤於其絕事當勗乎其難異時老去堇浦猶能憶吾言否也仁和張燴

道古堂詩集序

六

翰苑集序

錢思公謂朝廷之官惟翰苑非文章不可蘇子瞻亦謂文章之外不取他才然或以所作卑弱屑屑應用不可謂之文章卽子瞻猶自以爲空疎冗散才不逮古慚內相之名豈非其實之難副與故自唐元宗設官以來雖代有賢哲以充其選而直以翰苑名集者陸宣公一人而已宣公制詔奏議昭然與金石不朽而詩文賦集十五卷所謂雄文藻思摧古揚今者今先生蓋有過之嗚呼惟宣公不愧于翰苑惟先生不愧于宣公也權載之序宣公集曰仲尼有才而無位賈生有時而無命公才

道古堂詩集序

七

不謂不長位不謂不達逢時而不盡其道命也夫宣公不與房魏姚宋生貞觀之年而與竇參裴元齡生貞元之世殆不可謂之逢時德宗以素知公名召對翰林卽日爲學士其知遇固深矣然當公十八登第僅以詞科博一縣尉唐所以位置博學之士者不已遠耶今詞科不著於令惟

天子卽位之初特行久虛之典督臣卽以先生應詔選入翰林蓋以博聞明識不世出之人鼎不可得之嘉會而授清秘之職本朝之用人可謂樞其材矣先生位雖不達可謂逢時矣宣公之時詔書旁午倉卒填

委雖灑翰卽成曲中機會終有如歐公所云不得專一思慮以工文字其詩文憂深慮遠蓋亦變雅之作而先生幸際太平得與一時僚友從容柯亭劉井之間以其散直之暇肆志併力于文章蔚然而虎鳳躍鏘然而韶鈞發何其盛也讀是集者當知先生之才與所遇之時皆有過於宣公者不必區區以祿位相較而亦可想見國家盛治其侍從簪筆之臣爲博聞明識不世出之人也豈其以翰苑之榮誇於田夫野老而已哉同里後學曹芝

道古堂詩集序

八

脩川集序

杭兄董浦董志局於海昌得詩如千首令予爲之引董浦之詩之工不待予言顧予竊有所念於海昌者得因董浦之詩而一及之海昌故文獻之窟也董浦拜無垢之祠式持正之里搜訪查職方罪維殘編豈區區騷人之遊錄哉而樊侍御光遠者楊文靖公高座弟子無垢之畏友也學錄不傳微言安在尚有知其講堂薦以溪毛者否職方志節晚寄託于絲竹以抒悲憤而姚監軍曷蒼棄家長往以黃檗爲西臺化爲精衛尚有道其姓名者否抑又聞安陽許侍郎之令海昌也敦崇正學招致姚江黃先生設臯比雅歌釋奠中吳徐侍郎果亭遠來執經反復叩證人之說安陽則傳三易洞璣之旨豈無薪火之貽足爲里社興起者乎董浦其更爲我訪之是亦羣雅之才所當備也雙韭山民全祖望

道古堂詩集序

九

嶺南集序

韓子遷潮文傳驅鱷范公帥粵錄著驂鸞此炎徼之藝林亦前修之筆苑也然志虞衡於桂海非無博物名篇而狀草木於南方未盡雅人深致必也珠池壁記既兼子史之長韶石詩豪復得江山之助登高作賦二樓風雨驚飛結社分題五子敦槃稟至斯足擅湖山宗主不愧遊居作詩酒總持無慚羈賦者也惟我董浦先生制水詞宗玉堂仙從紫霄翔步陸子春帝目佳人樂府徵歌元微之人呼才子賜元豐之金帶方簞清班焚學士之銀魚遽歸綠野蘇公堤畔遊從牛魯國諸生謝傳山

道古堂詩集序

十

邊問字徧元亭高足於是名傾江左譽溢斗南會羊城有童蒙之求羣迎康節鵝湖重經師之選爭逐林宗噓肯來遊亦既靚止高懸睇澤誰其叩不能鳴甘撤臯比僕亦後而欲往顧慚形穢敢托神交爾乃仲舉停車便尋徐穉長公渡海卽訪黎雲旣把臂以入林遂倡予而和汝時則信陵公子頻開文字之樽湘水詞人數與冠裳之會馮敬通文辭跌宕暫輟披吟陳曲逆門巷蕭條恒畱車轍清簾疎簾賭山果於僧寮香浦花田探驪珠於鮫室銀臺蠟燭時鬪尖叉銅鉢聲殘更調駝蹶以故水村山郭喧傳杜牧之詩紙械弓衣並寫蘭陵之集梓

爲六卷價重三都笑顧鄙人盍作牴牾之導用陳渺見聊同糟粕之談竊惟言貴乎文孰謂詩非關學顏光祿鏤金錯彩詎乏行廚曹臨淄繡虎雕龍定饒經笥假令書窺半豹摘文肯讓班生如其腹果五車麻物應逾惠子猥云名士只讀離騷豈有少陵但精文選若乃誤求杜若生吞謝朓之詩竊恐錯解踴鵲笑破蕭嵩之口先生則琴箏五典肴饌百家瓠史芸編借出春明坊裏玉毀金版探來宛委山中宜乎雲湧濤驅氣歷萬夫而上海涵地負音追正始之前譬之集千腋以成裘曾無璧積釀百花而作蜜難辨馨香此馮夷所爲面旋小巫於

道古堂詩集序

士

焉氣索者學其一也然而李善淹通僅稱書簾裴公弘博第號談林賦六合以娛人何能嫵媚讓河南而標位尚待錯綜故知錦織明光苦無裁製饒羅珍錯未易烹調人固不可無才言豈止乎有物先生則學如不及才患其多如營建章之宮千門齊闕似歷山陰之道萬壑爭流斥朱穆以專愚徒工著論詆左思爲儉父祇解研都得意忘言還筌蹄於竹素善師不陣輯鵲鶴於龍韜請看學足三冬何若才高八斗然則爲仙爲鬼終見擯於劉安宜栢宜桑究貽嗤于匠石此度量相越步趨無由者才又其一也且夫文爲載道之言詩乃緣情而作

道古堂詩集序

士

纏綿悱惻美人香草之篇敦厚溫柔陰雨谷風之什瓊樓玉宇心傷千里嬋娟劍閣瞿塘淚灑極天關塞自非太上詎易忘情僕本恨人誰能遣此烏啼永夜輒爲擁鼻之吟雨暗蕭晨每唱懊儂之曲矧乃秦川公子歲歲離家西鄂名流年年失職烏金塔畔花飛九品蓮臺黃木灣邊月淡半江菱艤問老夫之左蠡朝漢臺空弔詞客于南園抗風軒冷能無感慨正復淋漓白江州才擅歌行賦琵琶而愈妙李義山詞多寄託詠錦瑟以彌工君其刺海上之船杳冥無際誰則聽洞庭之樂愈惑胥忘小子何莫學乎先生其移我矣此則么絃獨奏衆音皆停者又情深而文明者也具此三長足堪千古豈直橋名丁卯祇將清婉標奇體號西崑僅以穠纖合度會見濂泉蒲澗地以人傳錦石浮邱山因公重此日秘之甲帳珍同海外奇文他年副在名山添入滄浪佳話惟是管窺無當蠡測何知入明堂太室之中莫名其器觀西子南威之貌但悅其妍剛值殺青敢辭寒白嚴詩之附工部方憂攘臂而前滕閣之序昌黎竊喜挂名其上云爾嶺南後學何夢瑤撰

閒居集序

某沂江將道棠之蓼舟中讀先生閒居藁乃輟卷而歎曰某何足與讀先生之詩哉太夫人在堂不能違色養而從役潘安仁所以賦也宅桂堂以待輿軒羅典籍以充幣帛擁楹之暇積有文章先生所以定是集也夫親生之膝下以養父母父母之志蓋日望其子之賢而有立而又恐旦夕去吾膝下疾痛痾癢之不與知也爲文王之臣爲孔子之弟子不患不立矣而來諗之歌援琴之操感而有作其以此與後世戒養之誠亦少衰矣聲譽馳其志祿位攫其情捨朝夕之養以求榮而哆然藉

道古堂詩集序

主

口于養志韓退之曰子在家父母雖無離憂其志不樂也在外雖有離憂其志樂也然功名之士當其拂衣而起爲其親者牽裾固駐之或旣去而緘書招之所謂有離憂而志樂者其果然也與夫人之志動於壹而巳有一心以宅憂又安得一心以及樂退之之言亦不達於情矣然則父母之志果何如而後樂耶東廣微之詩曰彼居之子罔或遊盤叔文之母曰好學爲福蓋惟學成名立覽老氏之知足而退脩惟孝之政立不朽之言庶無離憂而其志樂若先生者盡之矣某幸不嫌斥於先生而顓蒙朴駭涉隅角而輒滯年踰始衰一無所成就

以慰父母客江淮走燕趙陟屺一望懷袖靡依老父今年七十餘矣稱觴浮白之樂抗音頓足之歡闕然廢墜而又僕僕爲此行也某尚足與讀先生之詩哉某尚足與讀先生之詩哉同里曹芝

道古堂詩集序

十四

韓江集序

揚州地交南北舟車萃集之區四方士夫遊茲土者挾所請而來饗所欲而去凡名閭別墅姹花媚竹之秀藹不暇遊憩也桓廚鄰架尊彝鼎敦之美富不遑鑑賞也間有贈荅之章詠詞勦說藉作羔雁甚且驪駒乍唱姓氏旋忘風雅之道哀友朋之誼薄心竊悼之董浦先生掌教於安定書院擅斲輪之鉅手樹騷壇之大幟一時名彥咸從之遊今老而倦歸觴詠流連惓懷莫釋覩遺墨而制淚展畫梅以寄慨深情一往敦古處而挽頽風夫豈邂逅適願尋常之酬倡歌詠所可同日語哉今春三月董浦歸自揚州手出韓江一集見示大半得於推襟送抱琴歌酒坐之餘其氣磅礴而磊落其旨纏綿而悱惻漢上題襟之詠河梁落日之篇希踪曩哲殆庶幾焉余嘗假館苗邨翁濡雪堂別來忽忽三十餘年追溯雙清閣之鬪酒玉山堂之評書讀畫時往來於夢寐而不忘勝遊難再舊侶多睽詢先生詩益切余杖杜蒹葭之慕矣乾隆丁亥三月下浣同里汪沆

道古堂詩集序

五

道古堂詩集目錄

卷一

橙花館集上 古今體詩三十九首 附刻詩一首

卷二

橙花館集下 古今體詩五十五首 附刻詩五首

卷三

過春集 古今體詩八十二首 附刻詩二首

卷四

補史亭賸稿 古今體詩五十二首 附刻詩二首

卷五

閩行雜錄 古今體詩六十一首 附刻詩二首

道古堂詩集目錄

一

卷六

赴召集 古今體詩三十五首

卷七

翰苑集一 古今體詩六十首 附刻詩十一首

卷八

翰苑集二 古今體詩七十一首 附刻詩三首

卷九

翰苑集三 古今體詩八十六首

卷十

翰苑集四 古今體詩四十八首 附刻詩八首
卷十一

歸耕集上 古今體詩五十九首 附刻詩九首

卷十二

歸耕集下 古今體詩七十首 附刻詩三首

卷十三

寄巢集 古今體詩五十二首 附刻詩七首

卷十四

脩川集 古今體詩九十七首

卷十五

《道古堂詩集目錄》

桂堂集 古今體詩五十七首 附刻詩三首

卷十六

嶺南集一 古今體詩七十七首 附刻詩二首

卷十七

嶺南集二 古今體詩五十八首 附刻詩二首

卷十八

嶺南集三 古今體詩七十首 附刻詩一首

卷十九

嶺南集四 古今體詩六十二首 附刻詩四首

卷二十

嶺南集五 古今體詩七十二首 附刻詩一首
卷二十一

閒居集 古今體詩七十一首 附刻詩三首

卷二十二

韓江集上 古今體詩七十五首

卷二十三

韓江集下 古今體詩五十二首

卷二十四

韓江續集 古今體詩三十五首

卷二十五

《道古堂詩集目錄》

送老集上 古今體詩六十六首 附刻詩三首

卷二十六

送老集下 古今體詩六十三首 附刻詩七首

道古堂詩集目錄

道古堂詩集卷一

仁和 杭世駿 大宗

橙花館集上

古蕩舟中望法華秦亭諸山

小雨吹不成散作谿響急溪行十八里初自石橋入脩
竹烟濛濛半隱嵐靄溼忽然漏晴暉露出青巖香松杉
亘其腹高下蔽石級天影隨峰迴皴法變幽澀笑指梅
花僧定有草廬茸

溪上巢

十笏淨名室瀟瀟春流環老樹當戶立密竹隨溪灣磳

道古堂集卷一

橙花館集

中擣菰石幽語斷續間寒藻流不去相逐儵魚還

石八郎祠

安樂山之阿叢祠表幽渚神爲石八郎祀典有其舉豈
屬紛如裔或是敢當侶自咸淳迄今歷五百寒暑例以
野廟碑捏塑哲如許畫帳因風開銜鬚竄蒼鼠荒荒空
山中獨抱寒流處環以万玉妃飄雨潤楹礎門外清籟
寂微聞石泉語

從柏家橋尋梅花泉

言尋梅花泉乃在石梁裏萑蒲青茸茸界斷一泓水何
年萼綠華影落小潭底潯沸流不還穿過石齒齒客來

窺塵顏餘潤澣芒屨

蘆菴贈克念上人

竊然淨交蘆一室圍清深門外杉艇小纜在東籬東老
梅飛晴雪飄落黃篴簾溪路篆字曲五里聞疎鐘開士
盛禪藻句得杼山宗如花雨新好萎後吹天風慙我辟
支乘已落聲聞中還師正法眼一質滄浪翁

入花塢遇雨度蕩香橋至法楞庵

言從梅花林西下黃泥阪叢筠綠不分蔭客晝亦晚雨
腳穿濃烟迷濛失近遠石梁亘谿腹苦滑立未穩翹首
深谷松崖斷白雲偃僧房三十二半在翠微巔衲子事

道古堂集卷一

橙花館集

二

春耕竹戶日常樵山泉畱客烹率爾荷笠返但覺探徑
幽已忘歸路蹇起視橫斜枝玉雪半凋損

會稽刻石

祖龍眈眈視九鼎滅六強國恣豪兇東上會稽祭大禹
去疾居守臣斯從副車十乘省習俗羣臣黔首爭稱功
役使萬指關榛莽大碑矗立撐青空丹梯百丈鐫科斗
鬼斧劈落蜿蜒蹤丞相筆法變史籀雕蟲篆刻光氣熊
寄猷逃嫁無佚罰江乘橫截歸匆匆宮車晚宴沙邱駕
骨肉奄化隨沙蟲深山寂寞一片石卻與岫嶠同磨礱

窆石亭

寂寥古殿魚膏昏豐碑蠹蝨光細細神風颯爽渺何許
亂山合沓空招魂此石一丈勢斜表其廣半之穿有痕
形模豐下而銳首彷彿細綴螭虎文

皇朝乙酉正龍戰江頭士馬方雲屯健兒角技互嬉戲
雙手拔斷山靈跟秀外朱氏之說我觀此石逾萬鈞一夫之力

何能云蛟龍蟠屈霹靂護雖有千指其敢捫摩掌三數
發懍歎傳疑傳信非所論

雨過淨慈寺契原山堂聽嶺雲上人彈琴

蕭條樓櫺林一雨轉清絕穎師淨名室孤影澹行迹
棲木葉衣瘦軒遮不沒餘事出聲聞結想渺林樾散作

道古堂詩集卷一 松花館集 三

一指禪觸響動超忽七條泠泠不與山水隔晚花萎
無香幽徑豔還滅天高風露澄戒縛破枯寂潭潭木石

到撥見古拙老猿躡月聽遙峯墮空碧

憩契原山堂追次堇浦先生聽琴韻

歸安 沈榮仁 葦村

放舟西郭門過雨聲未絕涼飈吹衫襟炎歊遁無跡

紅蕖或低昂白鷺幾出沒高岡俯湍流精舍隱林樾

導師逆客笑歲月話飄忽哦句禪味深揮絃俗情隔

逢場每閱世萬象紛起滅湛然靈府中常照即常寂

余亦願證明機鋒苦鈍拙何時演三車聯席對寒碧

九月十八日記遊

白帝秉秋蕭爽氣淨餘歎連騎出南郭言觀曲江潮倚
檻石亭上隔岸睇遠椒黃塵忽遮斷白雪空中澆驚沙
飛笥蜀疾颺走刁調譚逐目已眇突至誰能料前水萬
弩勁後水千軍驍睢吁噓怒氣未洩鞭尸驕隄塘莽擊
撞白矸連波搖濁濁吐濡沫石泐痕難消咥彼踏浪兒
浮軀等萍漂柔櫓敢簸弄倏爾亡其舫佇視久不見使
我中心慄繡谷吳焯發高興謂當永中宵見潮未見汝幽
會誰當拋襪被走僊從齊赴精廬邀簾前設茗枕僧伽
手重招小園廣五畝繚以千篋筭萬頭山雞冠碧綠青

道古堂詩集卷一 松花館集 四

黃交偷戴鷄鵲憤假設鸞鳳毛無刀尾可斷非踟晨難
號朦朧隱文采暝色籠烟梢禪鐙忽四照高縛松炬燒
朱光映奇彩輝煌建霞標大聲起水面側聽紛奔哮揮
手辭香刹仍來江頭邀冷氣沁肩脊儼著含風袍詩脾
吸清露吟苦思轉高須臾白玉盤團圞上青霄大地橫
匹練乃向空江包捲彼明月魄灑作秋波濤斷若齊統
裂散比吳鹽熬萬寂靜不噫嚕吟壓雪器孤影澹行迹
短髮吹蕭騷丁敬慈寒餓中堂羅酒肴吳均說後餅劉
郎題餘餽二老袁孝沈嘉轍倦臨眺未醉先號呶起視辨曙
色尊合座已逃歸述誇旁人屢禿虎僕毫

妝域聯句 并序

妝域者形圓圍如壁徑四寸以象牙爲之面平鏤以樹石人物丹碧粲然背微隆起作坐龍蟠屈狀旁刻妝域二小字楷法精謹當背中央凸處置鏤鍼僅及寸界以局手旋之使鍼卓立輪轉如飛復以袖拂則久久不能停踰局者有罰相傳爲前代宮人角勝之戲如武林舊事所載千千日下舊聞之放空鐘之類蓋藉以銷吹花永晝悶題葉閒思所謂妝域者也

深宮晝多閒樂事午相較沈嘉祿舊戲罷攤錢餘歡收握鵲高擎拭烏皮圓轉走贏吳焯尺見花背龍紋蟠

道古堂詩集卷一 燈花館集 五

巧心象齒斲趙昱黃香別方勝藉粉界橫樅駿世一一翻

衣痕千千拂巾角鵲午鍼豈能停丁腳不須捉焯在次

星離躔中規月還朔嘉久行戒欹傾小住防寶星離躔中規月還朔嘉久行戒欹傾小住防寶

曆暈重重風車盤數數趙信北南昧易遷朱碧眩難覺

剝信蓬卷無根株渦洞亂清濁嘉徐時影續翻急處勢

騰踔焯氣竭猶蟻旋局殘屢鶴啄昱文窗紛合圍紅袖

競關撲嘉快奪金百鏃偏輸玉雙珰信迴腸託防閑匪

石謗謠詠鵲擺髻婢爭看扶腰女初學嘉眉顰側輕鈿

臂瘦動寬鐲駿世人語喧行廊花光颺繡桷焯前塵已微

萍小物尙高邈昱細字認蠶眠兒嬉等燕濯信菟羅譜

莫憑奧衍句從駁鵲徒用刻楮工相看齊一握世

臘八粥

寒月嚴凝候初臨戊第三一餐傳淨甕五味出精藍旦過喧齋鼓冬餘供佛龕遙知諸宅貴口數坐分甘

爆仗

驅魑追故事篝火啟柴扉聲宵山竹裂紙如林葉飛滿城聽靜夜應谷送寒威中有幽詩意豐年響不稀

琉球扇用山谷酬穆父贈松筵韻

道古堂詩集卷一 燈花館集 六

高麗白摺削藤紙經見圖琉球聚頭仿形似出入風前懷

哀馨瘦龍骨碾輕鸞子漸江江水胥潮寒持障旭影看

秋山翠縑綰結畫榻冷置身恍在蛟室間

厭勝錢歌爲厲二鵲作

之封演譜共五嶠不能癖褻不能論河間蛇女不能數

宣和博古圖屈曲塗形模或昂然翹蛇首或隆然隱龜

趺或爲神龍攫之而或爲天馬鼓龍胡旁有粉米錯雜

鋪山都木客應潛逋禦兒誰氏子手提一串苔花紫一

錢線繞盤龍鳳一錢宛轉堆雲蕊千秋萬歲本漢文金

玉滿堂出老氏古人取意必有以粵稽鄱陽洪适志其
二有之餘闕矣厲君嗜古兼好奇其文一一摹拓之裏
以古錦重裝池擲以示我我不知古用刀布週四角今
製輪郭圓一規既非永安五男製亦異貴主荆山撒帳
時還君歎息題新詩君才百尺珊瑚枝文妖才鬼不敢
視區區阿堵煩爾收藏爲君不見東海黃公能厭虎金
刀不靈爲虎侮又不見新室剛卯祓不祥貨寶雖鑄終
滅亡不如日在錢眼坐錢神有知呵護我水泳山行無
不可

題朱水部 梓 扁舟詩意圖

連古堂詩集卷一 橙花館集

七

碧水抽帆盪曉寒岸痕倒樹壓晴瀾憑君收拾閒詩料
解舍魚莊乳鴨灘

耽吟索句兩眉攢水部量才亦大難莫向頭街問名姓
後梅前杜是同官

喜姚 世錄 自吳興至卽次其懷施 安韻

苦吟聯舊雨良覲共柴扉遠水初迎棹春寒忽上衣月
窺虛室白花逐酒人飛此夕聞清嘯愁懷得所依

送姚 世錄 還吳興仍用前韻

櫻筍連朝過幽人住遠屏髣髴吹瘦影墨瀋浣生衣有
酒皆同醉如鷗又各飛莫愁歸路寂剩有柳依依

湖中看雨

珠點能輕擲春波肯倒黏玉駢鈎不住放下水晶簾

舟過景德禪院題三塔

三塔何年建崢嶸此道場雨中烟樹重猶放白毫光

禾中雜興

近水家家小築塘暝烟初起接湖光香茅縛作尖頭屋
質與吳淞上水航

密葉叢根貼水高菱湖十里不容篙小娃時蕩瓜皮艇
劃破橫塘賽翦刀

桐陰十韻同徐 汪 沆符之恒

連古堂詩集卷一 橙花館集

八

新桐結夏涼爽氣滿虛閣清露溥蕭晨小雨閣疇昨陰
移碎苔紋響逸散林薄千片綠雲委一寸碧珪削層層
疊金井葦葦漾翠箔高枝入風稜重陰逗日腳覆地淨
若掃映空晚尤薄收香挂么鳳刷羽噪乾鵲玉局壓疎
花銀牆布青蘄坐來詩旋成立處影小卻

題教授蘇先生 滋候 寄吾廬四首

冰霜調護歲寒身酒國書城道不貧長與山靈稱地主
自來冰鑑負人倫三年絳帳充都養十載青雲落後塵
慙愧更無他報稱祇將詩卷祝長春

冊年京國主齊盟季虎頭龍各擅名風雨對牀同令弟

滄浪聯句有難兄傳家經術微能闡名世文章老更成
何用東塗復西抹先生豪氣自縱橫

大夫七十合懸車吾愛吾廬賦遂初扶屐尙餘艾後草
堆牀還有讀殘書一區錯比揚雄宅十畝新營履道居
勝日春風歸撰杖門生例得奉籃輿

不向丹砂乞駐顏依然風骨鶴珊珊達觀自可題生壙
論定何須待蓋棺先生自言置有生壙壽棺以待餘年舍北遠分螺髻樹
江東不少畫眉山就中穩臥烟霞叟百歲還驚靖長官
葉氏最古園觀王石谷山莊春曉圖

倚歟春曉日覽此春曉圖春水何澹蕩春山不模糊叢
道臺詩集卷一 梅花館集 九

條發新穎采色爭紛敷鸕鷀自在飛一一遙相呼山行
忽已斷中有雙犢俱草堂生意足平階鋪寒蕪主人維
摩詰說法陳毘盧禪悅通畫理妙墨娛清臚遠孫規家
法拂絹工臨摹幾時南山南習隱閒精廬賴君畱粉本
著我山澤癯

同籍有戍遣之事寄詩奉慰

來日何當歎大難生全須信 主恩寬三千積道黃花
古一兩輪蹄素戢寒去國定知無勝餞破家豈爲愛微
官東西南北惟君使好作王程戴斗看

章繼詠顧正謙見子戍遣詩憐而和之迴腸蕩氣

遂次前韻復呈二公

遷客長嗟行路難荷戈此去塞程寬日臨磨蝎元辰蹇
關隔盧龍絕域寒喜免罪孥輸織室暫從囚服對刑官
知交揮涕期生入鄉國回頭仔細看

同龔鑑過鄭安縣羽達

柳綿擘晴雪歷亂吹不墮龔生澹蕩人攜手肯好我意
行破拘攣快獲幽興頗王劉侈清談張周奄入坐初驚
酒海寬旋喜墨寶夥珍重金殖儲裝潢紫縹裏收來珊
瑚網寫出鐵鈞鏤潏然太古心流觀計非左花信雖闌
殘差喜未改火湖堦步履便觀面山幾朶冷翠沾客衣

道臺詩集卷一 梅花館集 十

相約喚輕舸三人恣洄浴較畫更婀娜

鄭麟趾高麗史向爲花山馬氏衍齋藏弄道過虎

邱于書肆得一寓目書二詩題後

海洋東劃小江山史例居然準馬班屬國威儀徵市舶
外夷文獻落吳闌百番璽紙銀光砑兩姓鴻名玉冊頒
擬向太常論四譯奇聞聊當采風還

海國華風亘古今鳴江如帶界遼金宣和已後紛傳史

洪武中朝賜玉音百濟附庸陪遠道皇華館伴動高吟

見吳子魚朝鮮詩選三極五葉誇靈藥聞道東洋有貢獲

芳草